



4. november 2019

Inatsisartut Suleriaasianni § 37 imm. 1 naapertorlugu Naalackersuisunut apeqquutit imaattut matumuuna saqqummiuppakka:

Naalackersuisunut apeqquutit:

- 1. Suna peqquutaava whistleblowerit whistleblowereqarnissamut aqqissuussaq 2015-imi akuerineqarsimasoq qanoq atorneqarnissaanut ilitsersuummik peqqissaarussamik piareersaasoqarsimannginneranut?**
- 2. Innuttaasunut whistleblowereqarnissamut aqqissuussaq ajornannginnermik ammasumillu atoruminarsarnissaanut suliniutit sorliit Naalackersuisut aallartinniarlugit pilersaarutigaat?**
- 3. Whistleblowerit 100 procentimik kinaassutsiminik isertuunneqartarnisaat Naalackersuisut qanoq qularnaarniarpaat?**
- 4. Siunnersuutit UPA2019/81 aamma UPA2019/140 whistleblowereqarnissamut aqqissuussamut tunngasut, Inatsisartunilu akuerineqarnikut timitalernissaanut suliaq sumut killippa?**
- 5. Naalackersuisut allanik suliamut soqutiginaatilinnik paasissutissiisinnaanerlutik?**
(Inatsisartunut ilaasortaq Anna Wangenheim, Demokraatit)

Tungavilersuut

Demokraatit isumaqarput innuttat sulisullu tamarmik whistleblowereqarnissamut aqqissuussamut ilisimasaqarnissaminnut pisinnaatitaassasut. Aammalu uagutsinnut pingaaruteqarpoq aqqissuussaq 100 procentimik kinaassutsiminik isertuussisuusarnissaa, aammalu ajortunik kinguneqartitsinnaanngitsumik atorneqarsinnaanissaa.

Inuiaqatigiuvugut inukitsunnguit, immitsinnullu sanimut tukimullu ilisarissimalluuartuulluta. Taamaalillunilu innuttaasutut suleqataasutulluunniit suliffimmi ilaquttanik ikinngutinilluunniit salliutitsinermik, kammalaatersornermik, akilersilluni peqquserlunnernik il.il. takusaqarnermi privatimik atassuteqaatit akornutinngorsinnaasarpur. Tamanna isumaqarpoq ilisimasat soorlu aqutsisumut qaninnermut tunngassutillit anninneratigut inuttut kingunerisinnaasai annertusinnaasut. Kinaassutsiminik isertuussilluni whistleblowereqarnissamut aqqissuussaq taamaammat pisariaqarluinnarpoq tamatta inatsisitigut isumannaatsuuniarutta.

Aalajagiisartutut soqutigaara whistleblowereqarnissamut aqqissuussaq pitsaanerpaaffimmini atuussinnaassasoq, taamaammallu apeqquutima ullut sulliviit naliginnaasut qulit iluanni akineqarnissaat kissaatigaara.